

Uslovi takmičenja

Prijavom na ovo umjetničko takmičenje pristajete na sljedeće uslove:

ČLAN 1: Cilj takmičenja

1.1 Organizator takmičenja je organizacija UN Women BiH. Takmičenje je dio globalne kampanje UN Women pod nazivom „Generacija za ravnopravnost“. Takmičenjem se promoviše ravnopravnost spolova i osporavaju stereotipi u bosanskohercegovačkom društvu. Preciznije, ovim takmičenjem se mladi ljudi pozivaju da se zalažu za jednake mogućnosti za sve spolove, da ruše prepreke za učešće žena u svim aspektima društva te da doprinesu široj debati o mijenjanju društvenih normi i promovisanju veće ravnopravnosti i inkluzivnosti u društvu.

Takmičenje se fokusira na sljedeće teme:

(1) Redefinisanje odnosno ponovno utvrđivanje rodni uloga, (2) Razbijanje stereotipa i prihvatanje ravnopravnosti, (3) Promjena društvenih normi kad je riječ o rodni ulogama, (4) Rušenje stereotipa u medijskom predstavljanju, (5) Rješavanje problema toksične muškosti i promocija zdravog izražavanja muškosti, (6) Promocija rodno neutralnog jezika i inkluzivnosti u komunikaciji, (7) Promocija rodne ravnopravnosti na radnom mjestu, (8) Poticanje muškaraca da prihvataju uloge njegovatelja, (9) Osnaživanje žena u industrijama u kojima tradicionalno dominiraju muškarci, (10) Rušenje prepreka za učešće žena u politici.

1.2 Svi radovi prijavljeni na ovo umjetničko takmičenje moraju biti inspirisani gore nabrojanim temama. Radovi koji odstupaju od gore navedenog bit će automatski isključeni iz takmičenja. Problematično područje koje je obrađeno u umjetničkom radu mora biti navedeno u obrascu za prijavu.

ČLAN 2: Uslovi učešća

2.1 Da biste učestvovali u takmičenju, morate učitati svoj umjetnički rad putem [Google forme](#).

Bit će prihvaćeni samo oni radovi koji su učitani putem [Google forme](#). Učešće na takmičenju je besplatno.

2.2 Možete poslati samo jedan umjetnički rad i to samo jednom.

2.3 Svoj umjetnički rad morate poslati do ponoći (CET) 16. juna 2024. Radovi pristigli nakon tog roka neće biti prihvaćeni. Zbog očekivane velike količine radova koji će biti poslani neposredno prije isteka roka, savjetujemo vam da pošaljete vaš rad dovoljno rano prije isteka roka.

2.4 Zajedno s umjetničkim radom morate poslati i ispunjen prijavni obrazac u kojem ćete navesti svoje ime i prezime, godinu rođenja, adresu (e-mail), broj telefona, državljanstvo, kratak opis rada i temu obrađenu u Vašem umjetničkom radu.

2.5 Ocjenjivački žiri sastavljen od najmanje pet članova odabrat će deset finalista. Odluke žirija su konačne i obavezujuće.

2.6 Po završetku ocjenjivanja, svi finalisti dobit će obavijest putem e-maila. Ako od UN Women BiH primite obavijest putem e-maila, morate na nju odgovoriti kako biste prihvatili svoju nagradu. Ukoliko UN Women BiH ne dobije vaš odgovor u roku od sedam dana od slanja obavijesti, UN Women zadržava pravo preraspodjele nagrade na drugog učesnika.

2.7 Imena finalista bit će službeno objavljena do kraja juna 2024. godine.

Nagrade za finaliste su sljedeće:

- **Prva nagrada:** pametni telefon Samsung Galaxy S24 (980 \$)
- **Druga nagrada:** pametni telefon Samsung Galaxy S23 (800 \$)
- **Treća nagrada:** pametni telefon Samsung Galaxy A55 (520 \$)
- **Četvrta nagrada:** stabilizator pametnog telefona DJI Osmo Mobile 6 (250 \$)
- **Peta nagrada:** eksterni HDD disk Adata 2 TB (100 \$)
- **Pet nagrada od 6. do 10. mjesta:** Tracer Led Ring (55 \$)

Ukupna vrijednost nagrada: 2.925 \$

Nagrade se ne mogu prenijeti na drugu osobu.

Umjetnički radovi finalista bit će izloženi virtualno ili na licu mjesta (zavisno od situacije), tokom narednog događaja "Generacija za ravnopravnost" u BiH.

Imena i prezimena finalista bit će prikazana i izložena zajedno s njihovim umjetničkim radovima na izložbi. Prijavom na konkurs svaki kandidat daje saglasnost za objavljivanje svog imena i prezimena, kako je navedeno u ovom stavu.

2.8 Organizatori zadržavaju pravo da otkazu, izmijene, obustave ili odgode takmičenje u slučaju nepredviđenih okolnosti koje su izvan njihove razumne kontrole. UN Women zadržava pravo na izmjene, dopune, brisanje ili nadopune ovih uslova, u bilo kojem trenutku.

2.9 Organizatori i njihovi službenici i zastupnici nisu odgovorni za bilo kakva potraživanja, zahtjeve, gubitke i obaveze bilo koje vrste ili prirode koji proizlaze iz ili su povezani s vašim učešćem na ovom takmičenju ili vašim prihvatanjem ili korištenjem dodijeljenih nagrada.

ČLAN 3: Uslovi za prihvatljivost učesnika i umjetničkih radova

3.1 Uslovi za prihvatljivost učesnika

3.1.1 Svaki učesnik na dan 16. juna 2024 mora imati između 18 i 35 godina. Morate unijeti svoj godinu rođenja u obrazac za prijavu.

3.1.2 Morate koristiti svoje službeno (legalno) ime i prezime te uz umjetnički rad poslati i važeće podatke za kontakt.

3.2 Uslovi za prihvatljivost dostavljenog umjetničkog rada

3.2.1 Digitalni format dostavljenog umjetničkog rada mora biti u formatima .jpg, .jpeg, .png ili .pdf (statičkim) ili .gif, .mp4, .mov, .avi, .wmv ili sličnim (animiranim) formatima .

3.2.2 Vaš umjetnički rad, prema procjeni organizatora, ne smije:

- izražavati nepoštovanje prema nepristrasnosti i nezavisnosti Ujedinjenih nacija;
- negativno prikazivati organizatore;
- biti u suprotnosti s ciljevima organizatora;
- biti uvredljiv prema bilo kojoj osobi prikazanoj u umjetničkom radu;
- sadržavati golotinju, nepristojan ili na neki drugi način uvredljiv ili neprimjeren sadržaj.

Organizatori neće biti odgovorni za: a) bilo kakve probleme, gubitke ili štetu koji bi mogli nastati zbog kašnjenja i/ili greške prilikom slanja i primanja radova, nastalih kao rezultat bilo kakvog prekida ili greške u radu mreže, komunikacijskih kanala ili sistema, ili b) bilo koje greške, prekida, brisanja, oštećenja, kašnjenja u radu ili prijenosu podataka, kvara na web stranici ili neovlaštenog pristupa dostavljenim radovima.

3.2.3 Prijavljeni umjetnički radovi moraju biti originalni i nobjavljivani. Učesnici izjavljuju i garantuju da je podneseni umjetnički rad njihov vlastiti originalni uradak, da nije kopiran od drugih osoba i da ne krši prava nijedne fizičke ili pravne osobe.

3.2.4 Nepotpune prijave ili radovi koji nisu u skladu s ovim uslovima bit će automatski diskvalifikovani, prema isključivom nahođenju organizatora.

ČLAN 4: Autorska prava

4.1 Svi radovi prijavljeni za takmičenje postaju vlasništvo organizatora takmičenja i neće biti vraćeni niti će se potvrditi njihov prijem. Autorska prava za sve poslone umjetničke radove ostaju u vlasništvu učesnika takmičenja, ali prijava na ovo takmičenje predstavlja neopozivo i trajno odobrenje i saglasnost učesnika takmičenja kojima se organizatorima i subjektima koje su ovlastili organizatori dozvoljava da bez dodatne naknade ili dodjele prava mogu koristiti, distribuisati, umnožavati ili na neki drugi način koristiti dostavljene umjetničke radove u cjelini ili djelimično, kao i ime, prezime, grad i državu učesnika, bilo kojim sredstvima i metodama koje sada postoje ili će se razviti u budućnosti, u svim postojećim ili budućim medijima, u cijelom svijetu, za vrijeme trajanja autorskih prava za poslone umjetničke radove. Učesnici takmičenja su također saglasni s tim da organizatori mogu izvršiti (ili ne izvršiti) sve radnje koje se odnose na poslone umjetničke radove, a koje bi inače mogle predstavljati povredu moralnih prava učesnika. Organizatori i/ili drugi subjekti koje su ovlastili organizatori imaju pravo obraditi, prilagoditi i izmijeniti dostavljene umjetničke radove.

ČLAN 5: Naknada štete

5.1 Učešćem na takmičenju pristajete da ćete obeštetiti, braniti i štititi organizatore, njihove službenike, zastupnike, zaposlenike, savjetnike, podizvođače i druge predstavnike, od bilo kakvih tužbi, postupaka, potraživanja, zahtjeva, gubitaka i odgovornosti bilo koje vrste ili prirode koje neka treća strana pokrene protiv ili zahtijeva od organizatora, uključujući, ali ne ograničavajući se na, sve troškove sudskih postupaka, advokatskih usluga, isplate nagodbi i naknada štete, koji se zasnivaju, proizlaze iz, ili se odnose na korištenje dostavljenih umjetničkih radova od strane organizatora. Obaveze iz ovog odjeljka ne prestaju važiti nakon završetka takmičenja.